

月
滿
樓
文
集

月滿樓文集卷四

元和顧宗泰景嶽

受業劉鳳詒編輯

賦

瑯環福地賦

以別是天地陳書滿架爲韻

緬博學于茂先。記幽蹤于緒說。方曠遊乎洞宮。遂深探乎巖穴。紫文青簡。依稀靈寶之藏。玉璽金題。彷彿崑崙之列。其人斯在。欣指示以引途。能讀幾何。願討蒐而得訣。九百虞初。而外仙府。偏奇五三。漢代以前。人間獨別。原夫福地所都。瑯環專美。蘭棟芝栴。瑤階金屺。翔鸞鳳

以嵯峨跨虹霓而邈迤鬱堂觀之輝煌。邃奧變之綺靡。何分大酉小酉。高貯芸書。豈僅一車五車。陋稱瓠史。搜羽陵之秘。殆觀止焉。追宛委之奇。真莫大是。爾其歛開石窟。幽闢洞天。既昭回于雲漢。直窮究乎山淵。儲含元造化之文。應收二億三萬格。垂受錄帝魁之紀。當綜三千四百篇。驚入門之莫罄。閱奧室之屢遷。神移乎龍圖鳳篆。睟佇乎汗簡雲編。于是遮扶精微。密窺掌記。俯仰古今之蹟。則有歷代史書。縱橫區寓之奇。則有萬邦國志。羌墨潤乎冰紋。抑香銷夫蠹字。匪獨九流合軫。霞賁琳琅。直教百氏齊鑣。雲開金翠。早得平生莫見之書。已。

探前度未遊之地。矧乃更窮閭奧。彌仗仙真。清巖封識。
照耀蒼旻。煥紫微而丹書寶輝。玉闕而紫字珍秘。如羣
玉峯頭。螭龍護守。幽似蓬萊室內。星宿周巡。上極典墳
之荒遠。旁羅檣杙之紛綸。貫淵源而若一。綜部帙而胥
陳。菁華自雨粟以來。休更多桓譚之富光。怪出告圖而
往。豈徒供任昉之貧。彼夫頻斯石室。汲豕竹書。王烈披
山梁于抱犢。江淹寃科斗于林廬。非不博聞稽古。探奧
踞虛。孰若精求乎福地。仙陟乎靈居。捫戶牖于珊瑚。二
十年未曾涉歷。披軸函于玳瑁。五千言莫盡含咀。幸從
事於建安。欣由天助。將借資于虞監。笑予緒餘。方今

聖天子學孕珠囊

治諸玉琯。仰巍煥于

文章。垂謨猷于述纂。經史子集。萃萬古之精言。津溯淵
源。開千秋之秘館。縑緗萬卷。久欽雲爛星輝。經緯百家
羣識。天中月滿。闢三霄之秘境。奚啻瑯環。引九宇之迷
途。儘容薰盥。微臣躬際昌期。欣依至化。雕蟲竊學。望磚
影于芳辰。刻鵠慙才。照藜光于清夜。獲窺肴饌之羅厨。
勉別標襖之挿架。三十車讀書。嫌富寧數。晉武之朝。四
百卷博物。誇多願逐。張華之駕。

王右軍書蘭亭序賦

以崇山峻嶺茂林修竹爲韻

緬山陰之嘉會。暢春暮之惠風。溯蘭亭而畢至。臨曲水以攸同。逸少樂此芳辰。揮鼠鬚而筆妙。統承偕其流輩。泛綠蟻而觴通。于是覽昔人之興感。寫懷抱之冲澀。製序而臨文。盡錄垂書而結字。彌工超軼。柴桑之稱亮清。逾梓澤之誇崇。于時碧天晴朗。勝地幽閒。筠滋翠竹。黛湧螺山。遠管絃之嘈雜。聽湍水之淙潺。才真晉代風流。文推絕世法。擅王家體格。筆仰超寰。毫拂鸞羣。而宕躍墨清。蠶繭以爛。嫵觀其頓挫。姿開勁遒。勢迅方驚。地破而雲騫。詎止金生而玉潤。笑將野鶩名。豈庾翼之齊芳。

雅。有。家。鷄。繼。看。獻。之。之。競。儔。黃。庭。三。十。七。本。眠。此。則。神。
妙。飛。騰。祝。事。四。十。一。人。領。之。則。風。裁。整。峻。爾。其。興。至。而。
書。意。清。斯。警。環。肥。燕。瘦。之。適。宜。鴻。海。鶴。天。之。妙。併。江。表。
莫。推。蕭。子。獨。慕。研。精。當。時。不。迫。元。常。豈。能。識。省。秘。宣。筆。
陣。之。圖。秀。盡。墨。池。之。穎。殆。莫。窮。煙。霧。霏。空。真。迥。異。枿。槎。
倚。嶺。徒。羨。其。愛。鷺。羣。而。籠。歸。揮。竹。扇。而。笑。售。書。裴。几。之。
清。佳。貯。文。囊。之。藻。繡。傳。爲。韻。事。可。風。盡。識。遺。徽。堪。究。孰。
若。玉。匣。留。珍。昭。陵。並。壽。此。爲。最。美。括。真。蹟。之。三。千。洵。乃。
無。雙。總。書。家。之。宇。宙。鋒。如。畫。沙。地。而。江。清。格。似。出。霜。天。
而。松。茂。故。夫。溯。永。和。之。揮。灑。考。宣。武。之。追。尋。家。有。操。觚。

宋金元曾多審訂人休聚訟歐虞褚須定高深前代初
刻周藩序詩圖說窺其概後來重摩益邸偏旁點畫賞
其音誠數寶香于曠代咸推金薤于詞林我

皇上道符羲畫學契孔修三希旣擷其奇金壺露浥八
柱更羅其妙瑤笈輝浮自觀端溪遺刻重蒐秘府遺留
幸邀

睿賞之精補成圖帖特

勅儒臣之訂考別源流欣嘉惠于無窮願披尋而三復
三百字鸞翔鳳翥遙懷觴咏餘風億千年墨寶古香近
觀琳琅妙軸愧未深八法之精美自許雙鉤之熟欽彼

月滿樓文集

卷四

馬

四

右軍雅翰願穎

天。上。之。圖。書。搜。茲。契。帖。遺。文。疑。聽。壁。中。之。絲。竹。

千尺雪賦

以飛流漱峽盈科不已爲韻

伊寒巖之秘邃。孕泉水之幽微。初濕濺而乍引。旋鬲高以交飛。開竇圻陰。訝晴空之彩瀉。拂沙注壑。驚白晝之光霏。銀河落自九天。靈穿石罅。玉雪翻從千尺。冷濺臺衣。溯勝情于雅蹟。愛清聽于林扉。爾其巧施鑿石。幽事疏流。源繇山出。波自澗留。方懸瀑于丹崖。珠璣迸散。還垂紳于翠壁。煙霧難收。涵金沙而委素。晃碧宇以明幽。清徹冰天。彷彿瑤英之亂灑。寒開鏡海。依稀玉屑之紛揉。當夫曉色空濛。晴輝眩眇。澄彩停淵。騰華溢圃。潺潺不斷。飛畢而一派傾溪。潑潑難窮。奔瀾而千尋注溜。何

須。豪。漢。之。觀。底。美。洄。泉。之。漱。若。其。晷。影。移。林。夕。光。迺。硤。
湛。引。洑。溶。潔。隨。狹。渫。花。卷。珣。岑。珠。岫。門。淥。壑。于。九。淵。聲。
穿。瓊。澗。瑤。池。競。倒。流。于。三。峽。長。聆。淙。水。之。碎。旬。不。怕。虞。
泉。之。沉。壓。若。乃。寒。飈。漸。浙。皓。魄。將。盈。猶。翻。濤。瀑。愈。噴。晶。
瑩。六。出。舞。空。迷。入。梅。花。之。艷。千。層。蕩。碧。見。依。玉。樹。之。清。
映。翠。微。于。幾。仞。滙。水。液。于。一。泓。此。真。風。流。之。獨。賞。而。徵。
幽。景。之。交。并。原。夫。始。開。神。漢。漸。濬。盤。渦。亦。轉。厓。而。習。坎。
遂。瀏。石。以。盈。科。湧。出。妍。光。偶。藉。三。危。之。露。排。來。素。緒。宛。
垂。千。頃。之。波。恍。乘。煙。而。夾。脉。便。挾。磔。以。穿。坡。目。遇。想。澄。
澗。之。淨。耳。聽。知。靜。籟。之。多。彼。夫。界。廬。阜。而。蒼。寒。挂。龍。湫。

而勃鬱噴神井而窈冥飛石門而揚拂。溯彼泉溜之名。並効山靈之乞。茲則獨闢幽竒。自開嶮叻。繞茲池澗之杳深。築乃亭臺之曲屈。搖練光于邃壑。開牖則然。送玉韵于空山。枕流豈不

矧乃勝出

上林芳傳清泚。高湖蓬壺之上。活水彌長。遠瞻銀海之中。宏瀾不已。派湧而湫。洞咫尺。雲晃丹淵。淙流而衍。迤大千雪。凝紫水。又何有吳苑林泉之僻。而更誇宦光邱壑之美哉。

夏雨雨人賦

以如百穀之仰
膏雨焉爲韻

恢台入夏。滲漉滋會。甘霖疊沛。生意均舒。乍應魚星之
候。旋興龍鼓之餘。鍊雲而鍊水。相生膏含。九暑風人。則
雨人更快。澤溢千廬。好稽說苑。遺編羣欣。優矣渥矣。載
繹夷吾。片語直幸。賁如濡如。方其氣降。清霄潤行。紫陌
黻黻。徐凝網組。並積銀漢。隱而儲精。金烏藏以歛宅。訝
膚寸之飛鱗。驗崇朝之觸石。清迺歆煙。沛將瑞液。綠簑
影外。隰徂而耦。以千碧樹陰中。室比而開。夫百爾乃波
簇蘋溪。光翻蘭谷。直俾滂沱。非徒霖霖環蟻。封而豈遲。
躍螟淵而斯蓄。律中蕤賓。而後普利。直統春秋冬日。行

戊巳以前徵休斯應三十六將澤潤乎生民而昭蘇乎
美穀于是亨屯動滿作解榮滋列缺潛閃豐隆快施送
輕靈而紛靡助密霧以渺瀰湧衆川之澍足交羣嶂之
陰垂起舞者商羊含靈則物其康矣翻飛乎石燕志喜
而衆與共之旣而繡畝潺湲雲畦鬱決穿堰瀑奔灑渠
風蕩睹煙林之殊狀物意俱恬看雲壑之變姿人心亦
爽菜秀瓜生之候被嘉澤以豐滋火昏奎旦之時慰芳
農而熙穰惠逢十日爲期歡識萬夫競仰是知長麻所
布甘澤相遭氣轉朱明鼓薰颺于綺甸惠流丹陸溥渥
澍于花臯旣早卜夫需貞垂雲作勢更羣占于坎濟盈

在流膏宜兆姓式歌而忭舞羣生欣悅以翔翱也惟
聖天子德感

昊蒼福周區宇事勤乎旰食宵衣念切乎祁寒暑雨霽
壇肅祀春夏軫二氣之交渾澤虔求繼輔及九州之士
洽壤乃看汜濩惠信無疆灑塗累驗豐嘉恩真盡普幸
黍苗吐秀于千疇慶耕鑿騰歡于萬戶

小臣親依

仙禁慶共廣埏值清和而樂止瞻豐美而大焉無須汲
井決陂品彙則根亥暢遂自見雲油露育蒸梨則市井
延綿媿莫罄鞠人謀人之惠績願共仰雨金雨粟之有
年

鍊雲生水賦

以零雨自天雲
興四岳爲韻

參淮南之奧旨。識天一之通靈。乘五行而遞嬗。順四序
而弗停。紛郁元雲。灑澤則龍鳴。應鼓激溶。上水滋甘。則
魚見知。星環相生之至理。悟互鍊之流形。好佇時霖。夏
沛。非徒瑞露宵零。蓊蓊初騰。容容乍吐。旣蕭索以輪囷。
亦霏霧而蕩翻。崇朝觸石。恍女媧補彩于清霄。一夕垂
漿。恍太乙化精于碧宇。豈不待族方銷。煙火以水波。亦
旣有滄更轉。友風而子雨。識溟沐之多方。推滋生之有
自。看修颯以鳴林。驗灑葩而潤翠。初慰望霓之想。綠野
霑濡。屢欣快雨之情。花塋浸漬。良由出岫以垂陰。殆獲

流膏而普被。聚成玉液散。晻濫于千山。冒出金枝沃根。
芟于九地於時。溽暑初潤。薰風乍宣。羲和歛轡。列缺施
鞭。豈散絲而汎灑。望飛瀑以聯綿。倘非密布魚鱗。交委
蛇于遠嶠。詎卜翻飛燕石。汜滲漉于平田。維歛爾龍。從
之覆野。知滂然澍澤之彌天。斯其待占好雨。垂象油雲。
普彼洽豐。八澤八殞。之敷濩大其蕩沃。一南一北之氤
氲。遍露壇而鬱氣周。繖蓋以垂文。喬喬縷分潤。孕西郊
之蔚藹。濛濛澤下。甘催南畝之耕耘。若其黜以肆集。沛
乎相仍。麥穎流發。芡苗勃興。夏木陰陰。知鸛聲之競轉。
曉溪漠漠。觀鷺羽之交騰。溢生機于萬品。識豐兆于三

登山澤通靈。天乎水乎功。孰宰坤乾洩。秘風若雨若績。其疑方今。

聖天子運精誠。宣德意祀。

雨郊殷六器。當龍見而稽時。悲大雩而肅治。

雨暘寒燠。咨編戶之艱難。成易作訛。勤下方之撫字。憫農厘維耦之千答。貺順運時之四慶。雲鬱起羣瞻。紉縵之床。瑞雨濃施。共仰繁嘉之賜。是以孚應百源。柔懷五岳。占山川之雲出。七政行。齊致河海之水澄。萬黎惠渥。方存神而過化。盡陶鍊于洪鈞。彌民壽而年豐。普廣生

于

御幄臣夙仰休和學慙礧斲披陳陋夫魏愷方思抗佩
于風雲賦頌效乎子雲多愧銜蕤于鸞鸞

小卯出耕賦

以旦暮從事於田野爲韻

稽管子之遺言。識興氓之要旨。協風旣告。携錢鎛以維。勤豐草方除。赴菑畚而載喜。乍乘候于天時。卽課功于鄉里。謀一年之種。星鳥依躔。省三務之農。宿龍應紀。卜此卯分。十二我田。爰履隰原。瞻其耕服。十千維耦。好偕疆以原夫。令自天宣。節從氣按。五行遞嬗。以環周四季。相推而物換。當春月之始和。乃田功之方判。蟄蟲載振。心驚丹杏。飛林穀雨。旋占情切。夭桃拂岸。必勤駿發。于野田。敢忽鳩鳴于昏旦。爾其邇陌雲鋪。遐阡繡布。水汨汨以波勻。翠茸茸而蔚互。茅蒲戴去人。依花外之畦。發

積披來伴。挈桑間之路。真消地凍。六十陽而七十陰。畧
別膏腴。上中田而下中賦。按耕莠之相圓。測天辰之暗
度。揮鎌而殘月迎晨。驅犢而斜陽入暮。故夫抱甕以出。
剡耜而從。願壯日之發生。相時分穀。欣歲星之攸守。依
次安農。籌將金穰。木康食維其好。勞此水耕。火耨年自
有逢。用罄三春之力作。詎聞一日之踈慵。若其高田庸
田。乃修乃治。參晴雨以施功。叙曉昏而急事。冒奎營室。
建月攸分。太簇夾鍾。諧聲自異。一犁耨雨。須諧占歲之
書。萬隴鋤雲。亦應司天之記。齊民豈無要術。不忘虹見。
萍生。月令自出。田家好卜雲行雨施。是以筮筐載及。婦

子相於清風襲畝。白水通渠。春之秋而夏之秋。陽蒸斯動。三之日而四之日。氣沃必疏。惟南畝之俶載。斯東秩之均舒。幾稜青疇。遍種雪銷之後。千行碧壤。細鋤雨長之初。乃知驗菁華于土德。協節候于韶年。勤趁佳辰。豈徒崔寔四人之令。勞乘要月。猶記汜勝九穀之編。畝東畝西。莒生則趾其舉矣。雲南雲北。鷹化則種乃戒焉。自古有秋。資生每徵于用。卯斯民作。乂豐稔自驗于稽田。我

皇上愛切民依。情厯草野。協春扈于農司。紀豳風于村社。咨殷保介。懽騰萬畝之間。典重

耕田澤沛三推之下應天時而則壤謳歌追良耜甫田
勸民事以康年功效陋牧民乘馬

一月得四十五日賦

以冬民飢入女
工夜興爲韻

攷民功于漢紀合習俗于隆冬物告西成乘戒寒之元
轡度移北陸應始律之黃鍾用日之餘逆月而勞從載
績積歲之杪惜陰而勤佐興農旣穫稻于臯原入此室
處方瑾扉于戶牖勸莫吾慵爾其崢嶸歲序冷冽宵辰
景臨圭而易落暑中杙以西巡同功爰約婦子課業原
法鄉民霏素雪于千村牕明繭紙下元雲于萬隴戶坐
紗茵並說蠶工之昂勉寧辭龜手之艱辛通中夜而計
籌合婦功者四十五日考終年以殫力乘天時者三百
六旬于是統茲里閭互相勞慰聚蓬室以勤劬對冰簷

而歔歔衾如潑水。敵石火以吹煙。褐欲生稜。動緹灰而
噓氣。競忘數瘵之疲。好省膏鏹之費。將半事而倍功。直
忘勞而易。旣當夫絜伴偕同。程功自集。添線方殷。抽絲
載急。何必无行以五。繼晷原可忘寒。卽當陽照于三勤。
宵更能永給無分。近極遠極。不虞霜吹之嚴。却歷高春。
下春。便愛星光之入。是以巧拙維均。功能用舉。乙之直。
周于五。直緝縷偏長。冬之秋續乎四。秋稱絲有叙。綜斯
營室之辰。趁乃挈壺之序。欣匝日而多餘。計積宵而幾
許。菑翁克敏。依然嗟我農夫。蠶織無休。幸得偕茲士女。
觀其徵同巷。盡婦工。乘短景。謀御窮。朱陽爲公子之裳。

繼。鳴。鳴。而。勸。始。黃。絮。挾。野。人。之。續。當。鼠。室。而。圖。終。若。催。
歲。尾。年。頭。惜。焚。燭。火。何。啻。晦。休。明。動。勤。倚。簾。櫳。歷。茲。鑒。
解。之。時。景。合。寸。分。而。弗。懈。溯。自。虹。藏。之。後。功。惟。晝。夜。以。
交。通。乃。知。送。日。而。爲。課。程。弗。暇。篝。燈。而。勤。夕。之。半。又。接。
質。明。昭。旦。而。歷。晷。之。全。詎。踈。中。夜。何。須。文。繡。纂。組。常。引。
手。于。茅。檐。祇。教。麻。捆。修。絲。倍。執。功。于。桑。舍。敢。云。歲。晚。就。
閒。惟。是。寒。嚴。弗。罷。伊。可。懷。也。徵。美。俗。于。賦。事。獻。功。我。勞。
如。何。驗。淳。風。于。吹。豳。飲。蜡。方。今。

聖天子恩偕露浹

治與日升溫肅同符成歲功于海甸清寧合撰報豐序

于田塍歌稱黍之多。歡盈萬戶。收蠶桑之盛。樂溢三登。順五辰而載撫。綏庶績而其凝仰。

萬壽之籌增罔不嬉春。以永欣千秋之衣被。盡皆就日而興。

六藝笙簧賦

以六藝爲樂寧
後笙簧爲韻

探文府之森儲。搜藝林之廣蓄。經爲鼓吹。宣開蝌蚪之
文典。是琴箏。闡蘊琳琅之軸。更傾液而漱芳。自諧金而
韻竹。緬抱朴之遺言。盡康成之善讀。先天通秘。直窮車
五箱。千擲地作聲。還叶統三律。六原夫作自聖人。垂爲
六藝。禮樂射御書數。教分周禮之文。詩書易象春秋。傳
剖儒林之詣。事勤乎博覽。遐稽理達乎心游。志契發彼
英華之妙。擬金玉而胥諧。乎其幼眇之微。調羽商而入
細。試驗道之通乎器。卽知信之考于爲。好推元圃綿緇。
宛轉則宣筒奏管。曲闢華林鉛槧。清幽斯列。簞裁絲三。

十七萬卷之精微暢矣。八風協緒。一千八百聲之蘊奧。按之六籍。通思爾其揆藻揚文。諧音合樂。夏絃春誦之精勤。雅管風琴之商榷。金題玉躑。淹通卽入耳。寫心鳳嘯。鸞歌含吐。由博聞強學。快萬籟之敷宣。窮百家之卓犖。審夫候爲太簇。制延笙形。宣大聲小和之義。叶施匏列管之聽。披綠帙而剖瓊文。如感鹿鳴于周雅。陟紫臺而宣玉冊。恍懷鳳舞于虞庭。方幸多文吐納。彌臻至理。和寧若其簧應笙中。氣收聲後。調于仲夏之時。齊出女媧之手。橫鼓而昭鳴。和音以奇耦。類七略之條分。縷析流別巧。言悟千家之玉振。金聲與宣衆口。彼夫薰香摘

艷咀旨含英。學士虞家富。則珣琪厨載。中卽蔡氏秘。則
瑜琬壁盈。紛或託圓圓之說。妍或辨肴饌之名。孰若此
宣幽風以領義。鬯天籟以抒情。雲開蓬觀之奇。搜韻真
諧玉瑄。露點西陽之奧。嘯風欲鼓銀笙。今

聖天子文思闡教。經術宣光。南北東西。仰兩儀之炳照。
淵源津溯。窺四庫之珍藏。旣充盈乎壁府。更魏煥乎

奎章。方並燃藜天祿。竊欣探玉崑岡。校德考經。鈞奏神
欽于律呂。和聲致盛。小鳴音愧乎絲簧。

春華秋實賦

以學如種樹玩
華登實爲韻

伊顏氏之垂箴。勗儒林之懋學。宣菁莪于奧府。操翰飛
騰。寃邃密于靈源。睨躬卓犖。華與實之攸分。品與文而
互權。抽其風藻。依然附萼之紛敷。味厥義根。卓爾繁條
之刊剝。喻芳卉于生成。闢性功之追琢。原夫沃膏墳典。
樹骨詩書。多文爲富。含章有餘。宣輝光于天地。曉耳目
于生初。原洞性靈之精奧。亦通踐履之冲虛。惟是闡作
英華。徒星稠而綺合。當茲殖爲豐茂。尙蓊騁而花舒。縱
鴻裁之苑矣。終艷采之紛如。爾其銳意詮疏。雅懷諷誦。
孕緯而披圖。貫繁而總統。揉其雕蔚。誰窺根柢之盤深。

鬱此芬葩。祗接枝條之錯綜。浥露濡于文圃。豈惟吳錦
空渝。參霜結于詞林。進願情田。是種。于是因道徵心。繇
文考素勗。內美之嫖修。繫躬行之追慕。緬三才之並參。
稟五行之夙具。窮理盡性。至命修詞。進而立誠。動作禮
義威儀。聲律兼之。身度揚華。殊薄植之凡條。抱德宛經
秋之茂樹。觀其彰往。察來。晝稽夕玩。勉勉克勤。孳孳勿
斷。扶塹立幹。迥非易邁之韶華。落實取材。自有常新之
璀璨。卽禮義爲耕種。收功若卜金風。以經訓作栽培。貞
格常依碧漢。是知行須篤實。學去紛奢。返性游心。初欲
抽莖而登穎。省躬厲業。終當啟秀而謝華。玉版金滕。原

不棄文章之寶。綠圖丹書。要必循聖道之涯。厥修乃來。詎肯不殖而荒落中行。獨復差同。挺幹以搓。牙方今。

聖天子文思密蘊。熙績丕凝。德富業新。彪典謨之雲煥。光輝剛健。懋學問之日增。宣訓彙于無外。廣風教而振興。黜無根之術業。勵有本之功能。孔厚滋培。俯則百家盡奮。普將澤潤。仰惟三代同登。士也身際。

熙昌。志參文質。值至化之昭宣。被儒風于暉吉。揚芬吐藻。旣擴文苑芳華。立幹垂條。復析奧區邃密。實有慕乎經猷。非徒驚于著述。庶幾蹈德以咏。仁仰與銜華而佩實。

砥厲廉隅賦

以近文章砥厲廉隅爲韻

考品誼于真儒。欽廉隅之克謹。寬由慎靜。早徵範立。必端容。乃毅強。更驗性根。所蘊席珍者。待聘澡身浴德。盡其操介石者。終貞瓦合。毀方深其隱。文不揜質。博學知君子之依美。自含章勵德。希聖人之近原。夫守已所貴。惟廉是聞。簡廉昉于書典。法廉重于禮文。比直剛而挺節。偕仁勇以持紛。圭角斯嚴。恍垂堂之峻立。脂韋是絕。宛搏矢之膠分。嶽嶽堪懷。鮮耻戒頑。夫之習巖巖有象。挫名倡志。古之羣惟廉而德亦定。維德而隅斯張。如室有隙。區準規模于四際。如座有拱。向表端正于兩旁。黜

匪僻之短垣。載仁抱義由賢良之正路。合志同方有行。
可坊庶幾磨鈍。廼世維民之則。居然追琢其章。爾其操
慎厥修。功嚴于砥。攻山藉石。礪之先去其微疵。刮垢磨
光。積之斯精于寸。素忠信爲寶。峻刻期以造深純。葦圭
豈窮刳圓。懼其虧粹美。此陰陽險易所不爭而特立。獨
行以爲履。若其細治以制其初。重磨以交其際。方用其
琢雕。更窮其切厲。德標稜角。將發礪並繼其輝。誼慎觚
圓在轉石。當祛其蔽。喻彼玉生于璞。堅攻而器斯成。譬
如及頓于芒。利用而鋒乃銳。彌以著刻意之不疎。于是
識探衷之弗替。斯則儒高縫掖。望表觀瞻。量鼎不程其

力畝宮不以爲嫌。守耿介之風。當流作柱。勵直方之德。
治礪揮銛。切劘于禮樂詩書之精奧。衛防夫甲冑干櫓。
之森嚴。從此遂密有加。早裕賓興三物。詎日錙銖不仕。
將規吏計六廉。我

皇上咨賢造德。厲俗砭愚。嘉待舉待問之士。重不隕不
絀之儒。卓爾主璋必達。蔚然風雅兼扶。飭威儀而抑抑。
仰。

教化以喁喁。將見內直外方。昭精操于素履。自徵世行。
後楷奮銳志于。

天隅。

埴在埴賦

以堯治天下猶埴在埴爲韻

稽淳風于自古。緬廣運于唐堯。底定九州。載五辰之克撫。協和萬國。式百姓之咸昭。無爲而甄陶自合。有宰而燮理均調。合天下爲一家。持之道得。化生民于在宥。利之用超傳。喻言于管子。識至德于昌朝。旣金在爐而鑄。範亦埴在埴而仰神標。惟夫制物有方。陶人掌事。凝軀必盡厥工。合瓦斯成其器。二黼五黻。酌分寸而司裁。高庑麗饒。肖規模于匠意。黏之以埴土之功。和之以埴泥之利。參妙用之任心。象放勳之至治。當堯之治天下也。命官而熙績。平地而成天。析隩因夷。變之通之而利。

盡翼爲明聽鼓之舞之而神宣合上下以同流風真皞
皞普物民而咸若道更平平豈識化裁之妙自通運量
之權握真宰以宅心世無苦歲孕太和而融德物保貞
堅爾其始自朝廷行乎草野富壽而華封聽祝風猶近
杯飲汗尊鑿耕而壤擊傳謠道何待毀方合瓦則九州
于三壤知治化之協和呈十瑞于一朝驗亮工之承嘏
隨聖神文武之自爲真循蜚因提之所寡時幾則欽在
帝之庭於變則仰光天之下是以取彼塲植譬乃謨猷
飭君國以三經無違風雨規萬年于一范詎徒春秋溯
金木水火之和九叙彰而型方莫外齊玉衡璿璣之政

百工懋而範俗有由順則且不知帝力成功斯式固爾
猶彼夫獨明利器之方却斷營壘之式喻樞水之微言
推滿虛之善則孰若此陶匠之善宣徵以治覲之淵塞
釐工不傷薛累終當入于和埏凝績必就陶鎔端在資
于黏埴斯河濱而陶聞虞帝美繼重華寶鼎而鑄自禹
王光襄明德方今

聖天子邇治休和

元功樂愷勤政而安民惠疇而亮采廣存神過化之用
運自

一人媿垂裳端拱之風孚于四海範金合土功基本自

默成秉則垂鈞治要端知有在是故化歸大造感浹無
邊胥同風而克協要司契以齊甄綱紀無方應乎規而
隨乎矩經綸有道珍則坤而符則乾神明通乎千古功
用極乎八埏乃知遐驗範圍之徧者實由近操
敷錫之全

越裳獻白雉賦

以天下太平遠人入貢爲韻

繫惟治隆。三古化洽。八埏醇庥。遠邇釀澤。洪延方浸。渾于濛汜。彌沕涌于原泉。哲紹天而闡繹。功薦棐以勤宣。蘊基命宥密之本。運精心緝熙之權。負扈而朝羣后。服遐而懾四邊。溯南溟來貢之日。仰蒼籙象功之年。展矣中國有聖。丕哉率土皆天。當夫公旦迂衡。周王錫嘏。量同而禮明。勺成而樂雅。湛恩汪濊于殊鄉。威號紛綸于肆夏。下蟠上際。既照日而殷雷。東矚西瞻。盡投戈而却馬。凡鑿齒與雕題。逮穿胃而貫踝。莫不慕仁風而越海隅。趨諛誼而來庭下。伊彼海島偏荒。爰有越裳冠帶。僻

在扶南之遙。更出林邑之外。素不達于梯航。曾未通夫
寶貝。至是乃依末光。乃沂遐瀨。使一至而豈睽。驛三重
而斯會。風雨銷其烈。滂波濤靜其滂。沛祝聖祉之無疆。
樂懷生之永大。受成黃耆之賢。陳獻佳禽之最。嘉茲白
雉。耀于丹楹。謝文綺之絢麗。被雪毳之光晶。潔縞衣而
不滓。凌元圓之飛英。映芳飈而逾素。澄灝魄而益清。修
尾揚而莎靡。仙首竦而雲迎。承靈昇于碧羽。仰考豁于
金莖。維䟽趾之介鳥。象南離之文明。考經而靖海山者。
三萬。表德而調玉燭者。太平。維時勤志持盈。恢宏却遠。
獨存不臣不饗之心。惟務悉主悉臣之本。旣念有道于

綏柔爰軫來庭之歎。懇荐宮廟而頌神靈。錫駟車而導
安穩。東瀛測水歸轍。而路永不迷。北極環星崇臺而伯
真盡。偃于焉休。翔絕塞德照重垠。暉舉羅抗嶽貢川珍。
綿區飲化。匝土歸仁。卉服織皮之壤。黃支烏弋之濱。受
吏歲無虛月。獻琛里不停輪。懿夏翟之效順。識寰宇之
同春。瑞啟駟牙。芾舄雲駟。于王會波恬鯨海。邦國風導
乎。揮人我。

皇上淳德覃敷

威靈遠及。幽陵讐而丹趾。綏蟠木熙而流沙。輯天山二
部。三萬里廓廼輿圖。雪嶺兩金百千。硯收爲井。邑震疊

瀛壖之島宣風而海外胥澄歸依雲甸之氓頌

壽而日南並戢亦何誇東都瀝澗之規模更弗羨南海
波臣之出入真恢無外于職方信軼會同于詩什彼夫
楷矢陳西獎貢競來澤馬山車齊報金船銀甕幪布鷄
羽之紛輸蒟醬撞華之傳送要惟明堂荐翬之儀遐乎
外屬款關之衆況乎六合統萃于家庭九有不勞于制
控于以邁姬公之誥輝繞鰈鸕豈徒陋立本之圖瑞符
麟鳳

月滿樓文集卷五

元和顧宗泰景嶽

受業陳雲編輯

讀

讀老子

天下惟退之之一術爲不可當其進而與天下爭者兩
鋒相敵則一鋒挫矣一鋒挫則不特不勝者絀卽勝者
莫能繼而其勢亦絀惟善退者乘天下之旣敝而用之
斯其心深其道隱其流極也忍以害天下而天下莫能
與之爭老子之言曰無爲而無不爲又曰以無爲取天

下。又曰。將欲取之。必固與之。其無爲也。非無爲也。藏機
智於不用。及機與智之所取。則一發而爲術。最慘烈。此
申韓以刑名害天下。禍不始於申韓。而實始於老子也。
今夫天下所以相維相繫者。性耳。情耳。性與情合。則恩
義生。老子者。滅其情。冥其性。漠視天下人。無所爲義與
恩者。徒隱伏退縮。以其至柔。馳騁至堅。後世得其無義
無恩之心。更用其馳騁天下之術。於是敢爲操切殘忍。
而不顧。而萬物深受其毒。今使世人有關者于此。其有
不忍人之心者。必將排其難而救之。其忍心者。則不惟
不救之。而且坐視之。雖聽其殺人而不恤。夫殺人而不

恤。不啻其自殺之也。老子者有忍心者也。老子藏其至
忍之心。視天下殺而不惜。申韓卽用其至忍之術。竟殺
天下而不疑。吾故曰。惟退之之一術。爲不可當也。昔司
馬氏以申韓同傳。其流弊固如此。而蘇氏亦極論之。吾
更爲抉其根株。而嘆老子之學之弊。其始成於退其極
禍於忍。

老子一書。云守中。云抱一。云元德。無害於道。至云昏
云辱。云損。云退。則其極流於忍矣。篇中。立定主意。謂
申韓刑名原本老子。一縱一橫。有寸鐵殺人手段。沈
歸愚先生

讀韓子

余讀韓子書而悲之也。其書五十五篇。凡十餘萬言。爲文峭勁有法。先秦之最高者。其旨則以戰國縱橫士。馳騖浮詭。乃尚法以峻其用。薄仁義。厲刑名。覈名實。皆參用商鞅李斯治秦法。而銳烈又過之。扶伏摘微。洞情燭變。實有計利害于必中者。乃秦王悅而不用。不用而死。不旋踵則何也。夫非嘗與李斯同事荀卿。斯自以爲不如矣。秦王欲見之。斯又言于王矣。爲非者使如范雎。入秦持重。後發積數年之親信。則李斯亦可如穰侯矣。乃非徒抵斯隙而不顧。一言謀臣不忠。再言貴臣失計。但

欲術之行而不熟計術之所以行。秦王之悅不固。李斯之忌益深。當斯之使韓斯已處心積慮殺非矣。何待過法之誅哉。此吾悲韓子持說之說工而爲說之術疎也。嗚呼。韓子旣悲廉直不容。至今讀姦劫諸篇。畏讒懼奸。未嘗不深其慮。乃卒至戮辱。亦獨何歟。抑其智窮意慘。憤激太過。致中道天絕歟。吾怪夫存韓一篇。載李斯言。非淫說靡辨。深有盜心。此不宜在韓書中也。或曰。此非旣死之後。李斯之徒欲暴其短。故爲之。

表其立言之銳。原其用術之疎。字字斬絕。不啻斧以斯之。王韓人先生

讀墨子

天下有言非正道而用其言可以救弊一時者墨子是已。孟子比之無父謂其邪說誣民。若不容于聖世此爲拔本塞源之論耳。若韓氏稱之亦心知其善乃上並孔子且謂孔子亦尙同兼愛則固不可此意甚恕而立說猶未當。夫墨子之異於儒道夫人知之矣其悉于天下國家之故實有可以救流俗者如國家昏亂則語之以尙賢尙同國家貧則語之以節用節葬國家喜音湛湏則語之以非樂非命國家淫僻無禮則語之以尊天事鬼國家務奪侵凌則語之以兼愛使世主而能用其言

亦可以起衰而致治矣。且墨子之心蓋深有見于世俗
流失而有以矯之也。其矯之以儉者極其趨則過薄善
其用則戒侈。桐棺三寸。服喪三月。遂有二本之患。此過
薄者也。若其度身而衣。量腹而食。一以省嗇之道。風厲
王公大夫。而王公大夫者。一切車馬宮室之奉。田獵玩
好聲色之娛。以及金盃玉璧文繡附葬之具。用墨子道
則必掃除而力去之。以歸于不傷財不害民。此則墨子
說亦無惡於天下。今如當凶歉之年。有予隋侯百里珠
者。有予一鍾粟者。必舍珠而取粟。珠不救窮而粟可救
窮也。墨子之道猶是也。推原墨子之心。雖非正道。未必

大悖于正道。自墨離而爲三。爲其教者。取舍相返。求學之私。則然耳。豈墨子意哉。或曰。如子言。與充塞仁義之言。不合也。然余亦歸斯受之之意也。孟子。正道之本。不得不罪墨子。吾欲究救世之用。則又不得不原墨子。

非欲學者從墨氏之教。取其言之足。以矯時勵俗也。提明。拔本塞源之論。以下步步推原。結出立言之旨。筆力挺勁。寡匹。

沈歸愚先生

如此立論。仍與孟子合旨。其可救流俗處。不概沒却。特爲表其苦心。視昌黎所言。較當筆之排界如龍蛇。矯掣健。不可當。彭芝庭先生。

讀孔叢子

孔叢子述孔子世家詳矣其旨犀利其詞斷續離合若無意爲文而文自古雅朱子謂其氣軟弱不似西漢人文按鮒爲秦少傅以焚書禍藏經壁中因退著是書其不見於當時至孝武朝始出殆亦偶然竟謂後來白撰似非定論耳嗚呼孔子之道爲天下萬世法子孫述其道亦世世爲諸侯師其言不可爲文獻哉卽其不詭於理者以存爲緒論與家語並傳可也

與家語並傳一結妙在微婉

蔣心餘

讀荀子

荀子言性惡禮偽。比之告子杞柳之說。義外之論。更變本加厲。豈得謂爲大醇哉。然其言固有合道者。不可概斥之。荀子云。水火有氣而無生。草木有生而無知。禽獸有知而無義。人有氣。有生。有知。且有義。爲天下貴。則與告子大相逕庭。不可謂爲不知性。又云。養心莫善乎誠。則亦聖人思誠之旨也。特其言雜耳。何概斥之哉。夫孔子而後。爲學者豈必盡醇。孟子猶有刪之議之者。而況荀子。讀書在自取耳。如莊子世儒所非也。觀其述夫子言。亦明子臣義命之故。董子世儒所推也。觀其言性者。

生之質情者。人之欲似未悉乎。天性情才之辨。惟不以辭害志。古人分量始出。吾不敢如韓氏以孟荀並稱。亦不必如蘇氏以李斯同罪。讀其書。節取其理而已矣。不然窮理之不暇。而徒以刺誹勝哉。

不以孟荀並稱。不與李斯同罪。一語斷案如山。錢清

怡先生

讀揚子

天下之言之不詭于聖道者。卽其言可傳。其言傳不得。因其人之行事而廢其言。其行事不足法。又不得因其人之言。而概寬其行事。合是以讀揚子書。而有以見揚子之真。揚子繼孟子荀子後。以道自任。法言則古稱先實有所發明。如學行諸篇。言孔顏之樂。問道諸篇。以堯舜文王爲正軌。而斥老氏之搥提仁義。絕滅禮樂。以禮文五教爲治法。而斥申韓之不仁狙詐。慘刻少恩。先知諸篇。明規矩準繩。自治治人之大器。漢儒言之醇者。董子而後。應數揚子。荀子殆不及耳。雖太元擬易。未能盡

富要豈離經悖道者哉。然謂其言可傳則可。并謂其出處亦圓通無碍。則固不可。今夫春秋責備賢者。揚子而不言聖道也。揚子而言聖道。則不移不屈。當以孟子自處。當其成帝之世。給事黃門。與王莽劉歆並。哀帝之初。又與董賢並。雖後莽與賢皆顯赫。獨三世不徙官。及莽篡。以耆老久次轉大夫。然苟容全身。畏死不去。豈得托于明哲。徒謂遜于不虞乎。何與其治見亂。隱之言反相刺謬乎。况稱莽功德。比伊周。又作劇秦美新。又奚爲者也。而投閣之事。猶其後焉者矣。前輩王鳳洲謂去則莽必恨恨。必追而戮之。然儒者處世。卽死亦揆之義耳。又

謂所美之新美于秦不美于漢。試思新可美乎。且謂陳水不斥而紫陽斥之。其深意欲以宋統直接孟子。是猶以私意議朱子。如朱子有意斥揚子。何不議董子哉。當時祿隱之誦。何必爲之諱。吾故曰如揚子者。不以人廢其言可也。如以其文聲牙隱曲。并其言亦斥之。則不許爲知道者。孟子旣歿。遙遙三百年。揚子著書明道。其功亦偉耳。不然。韓子何以稱之也哉。

愚作揚雄論。謂王莽事事托於周禮。欲爲僞周公。揚雄擬論語大易。欲爲僞孔子。僞豈可混真耶。總以朱子莽大夫揚雄死一語爲斷。未免太直。作者謂不以

人廢言。斥其人。存其言。殊宛轉矣。沈歸愚先生

韓子稱楊氏固不爲無見。特其爲人殊刺謬耳。節取其言自是定論。劉耕南

讀文中子

董子而後其有學術而能闢治道者爲文中子。文中子所著書有三百餘篇。皆不傳。中說及元經爲可考。論性明情。根極理要。斷不能及孟子。其核古今辨文史實有可用之道。則荀楊輩所不及。宋儒議之。謂其自納於吳楚僭王。且不學三王而學兩漢。牽率七制之主。儕于帝王之盛。其說誠然。然羽翼聖經。闡揚治法。其功又曷可少哉。生當百世之下。又值六代之餘。卓然讀聖賢書而深明禮樂治亂之故。王道天地事君諸篇有佐治之用矣。隋文雖不能用。而太宗實資之。學術豈空疎無具者

哉。若世又以房杜李魏諸賢開國將相。皆河汾弟子。而無一言及其師。疑好事者所纂入。爲斷斷辨焉。則余固未暇深論者矣。

文中子爲有功于斯道。其粹處實勝荀揚。篇中立言。銖兩悉當。錢辛楣先生

讀韓詩外傳

韓嬰所著韓詩外傳。皆論事以引詩。其說詩也微矣。引申觸類無不可以說詩。而外傳不免附會也。顧其辭旨切理。記夫子之遺言。載春秋以來之軼論。有不可廢者。卽如辨東野之御馬。知政所以治民。觀周廟之欹器。知道所以持滿。他至鑒形色而知心。識內外而知勇。別黑白而知舉錯。洞悉物理。深切人情。而又不遠于聖人之用。先儒謂其厲世範俗。皆順于道宜哉。

言簡義該

胡雲坡先生

讀淮南鴻烈解

史稱淮南王爲人好書。所著內外書甚衆。言神仙黃白術。至二十餘萬言。今余讀鴻烈諸篇。而嘆其博也。馳騁輿義。無所不有。與莊列呂韓孫吳尉繚諸子相出入。雖錯綜複沓。或出蘇飛李尙伍被輩。各誇智辨。搜雋抉奇。然文有逸氣。當經淮南手。裁信筆挾風霜者哉。余獨怪其中武安之一言。又蹈厲王之覆轍。空訓兵略。不戰而滅。其覽冥寶精。未嘗不知浮動之爲禍。乃縱若卷衣用。若發機。迫以應變。而卒取敗。獨何爲哉。或曰。王好神仙。卒仙去。未嘗死。或曰。王之畔。非王心也。太子實謀。其賓

客。佻謫所致之。

淮南繼厲王而叛。卒取敗亡。謂仙去者謬也。抑揚頓挫。傳出微旨。筆墨之潔。得胎龍門。孫淵如

讀賈誼新書

賈生之在漢也。生未嘗不用漢文。漢文未嘗不用生也。其始文帝悅之。其繼帝復以爲不及。及帝之世。所言次第施行。至生旣死。帝猶思其言而用之。然則三代而後。能用言者。莫如帝言。而能致用者。莫如生。余讀賈生書。疏陳政事。通達國體。卓然經濟。審微服疑。以後諸篇。未定真僞。然深中利害。於時勢目擊心驚。手筆亦不遠斯真。王佐之才。宜乎漢文之必用也。案蘇氏著論。謂非漢文不用生。生不能用漢文。且謂絳灌君臣相得。豈特父子骨肉手足安有立談之間。遽爲人痛哭。且謂爲賦弔

屈原悲鬱憤悶卒以自傷哭泣至于天絕余初讀之服其持論之工及細按賈生之行事而知生言實用蘇氏論失之矣何言之生之初進也卽遷太中大夫及法令更定遣列侯就國絳灌始忌之帝不得已令傅長沙亦不過投之艱難折其銳氣使可大受耳豈棄之哉不然何宣室之對不三四年而召且爲夜半前席也梁王上少子也而又愛拜爲太傅親之也益知前此非棄之也至所謂痛哭流涕長太息者在召對傅梁後觀文帝破不再世而強侯難發又不再世而匈奴事起生安得不愷切而言況是時絳灌方逮繫生轉諷上以禮厲大臣

上乃感而免其死。此真賢者所以用心而絳灌何嘗堅
骨肉之親而痛哭何至在立談之頃哉。若其弔屈之文
悲遠引之无術。賦鵬之語知遲速之有命。其見固已超
矣。後之自傷而死。因梁王墜馬傷爲傳無狀。且亦命耳。
豈死于不用哉。生死年止三十三。死猶用其言不死。則
入用爲大臣矣。乃謂自殘至此。知賈生必不服矣。班史
稱其未嘗不遇吾故曰能用言者莫如帝。言而用者莫
如生。而蘇氏之論失之也。然則賈生無可議乎。其草具
儀法與五領三表。其術之偶疎如史書所言。則不必爲
之諱也。

逐步破解卓有成見侃侃鑿鑿按事而談足與蘇論

並傳洪稚存

讀董子春秋繁露

史稱董子治春秋下帷發憤潛心大業。今觀其所對三策。明天人之分。達性命之原。著崇起教化之實。退黜百家。表章六經。不特公孫宏。鼂錯輩不可同日語。卽劉蕡。非其儔也。兩事驕王。端已治國。正誼明道。數言度越諸子。令學者得所統壹。功豈在孟子下哉。惟是董子治春秋。而吾謂其得力者在春秋。其偏至者亦在春秋。言受命之符。災異之變。三策中見其端矣。及讀所著繁露書。詞宏義烈。未嘗不引春秋之事。以明治亂之跡。然每言災異。表裏讖緯。雜出五行。玉杯竹林諸篇外。語意尤襍。

卽如明王道必舉日食星竇雨蝨地震山崩諸大變雖或警惕世主意亦少偏矣或謂後人掇取附會然高廟災異書身受主父之患繁露何必非自著哉余非好議董子以董子千古大儒恐讀繁露者不得其要而惑之也雖然董子言有偏而何傷也承秦滅學後專崇孔氏以道自任洞徹本原不謀功利後世闡之者伊洛諸賢嘗見諸事者諸葛孔明嗚呼漢廷治春秋者多矣如董子者豈易有其人哉

繁露一書精深峭刻與天人三策各異故後人疑爲僞撰然綜觀大旨尊崇禮義尙德緩刑去偏存正仍

然三策之旨也。篇中指其有偏。原其主歸。立言確當。

不易

陳句山先生

高廟殿災異書。筆之峭刻。實勝三策。所言則與尙德
緩刑之旨遠矣。繁露則旨猶三策。未免問言災異。欲
讀繁露者得其要。自是千古卓識。先芝圖先生